



**ՆԱՅԱՍՏԱՆԻ ՆԱՆՐԱԴԵՏՈՒԹՅԱՆ ՍԱՆՄԱՆԱԴՐԱԿԱՆ ԴԱՏԱՐԱՆԻ ԹԻՎ 2 ԴԱՏԱԿԱՆ ԿԱԶՄԻ
Ո Ր Ո Շ Ո Ւ Մ Ը**

ԱՆՆԱՏԱԿԱՆ ԴԻՄՈՒՄԻ ԸՆԴՈՒՆԵԼԻՈՒԹՅԱՆ ՆԱՐՅԻ ՎԵՐԱԲԵՐՅԱԼ

Քաղ. Երևան

23 մարտի 2012թ.

Նայաստանի Նանրապետության սահմանադրական դատարանի
թիվ 2 դատական կազմը՝

Նախագահությամբ՝ Ֆ. Թոխյանի
Անդամակցությամբ՝ Կ. Բալայանի
Մ. Թովուզյանի

Քննության առնելով քաղաքացի Նելլի Մկրտչյանի անհատական դիմումով գործը
քննության ընդունելու մասին հարցը,

Պ Ա Ր Զ Ե Ց .

Քաղաքացի Նելլի Մկրտչյանը ՆՏ սահմանադրական դատարան է դիմել 06.03.2012թ.:
Դիմողը խնդրել է որոշել ՆՏ քաղաքացիական դատավարության օրենսգրքի 208-րդ հոդվածի
2-րդ մասի՝ ՆՏ Սահմանադրության 1-ին, 3-րդ, 18-րդ, 19-րդ եւ 20-րդ հոդվածներին համա-
պարասխանության հարցը:

Սույն անհատական դիմումի նախնական ուսումնասիրությունը ցույց տվեց, որ՝

1. Դիմողի կարծիքով՝ վերոնշյալ օրենսգրքի 208-րդ հոդվածի 2-րդ մասով նախա-
պետված սահմանափակումը, այն է՝ վերաքննության իրավունքի իրականացման սահմանա-
փակումը միայն նվազագույն աշխատավարձի հիսնապարիկը գերազանցող գույքային պա-
հանջներով, զրկում է իրեն՝ իր խախտված իրավունքների դատական պաշտպանության
իրավունքից:

2. Ներկայացված դիմումը համապարասխանում է ՆՏ Սահմանադրության 101-րդ
հոդվածի 1-ին մասի 6-րդ կետի, «Սահմանադրական դատարանի մասին» ՆՏ օրենքի 27, 28 եւ
69-րդ հոդվածների պահանջներին:

Ելնելով վերոգրյալից եւ ղեկավարվելով «Սահմանադրական դատարանի մասին» ՀՀ օրենքի 31 եւ 69-րդ հոդվածներով՝ ՀՀ սահմանադրական դատարանի թիվ 2 դարական կազմը

Ո Ր Ո Շ Ե Ց .

1. Քաղաքացի Նելլի Մկրտչյանի անհարական դիմումը՝ ՀՀ քաղաքացիական դատավարության օրենսգրքի 208-րդ հոդվածի 2-րդ մասի՝ ՀՀ Սահմանադրությանը համապատասխանության հարցը որոշելու վերաբերյալ, ընդունել քննության, կազմել գործ:
2. Գործով որպես պատասխանող կողմ դատավարությանը ներգրավել ՀՀ Ազգային ժողովին:
3. Բավարարել պետական փուրքից ազատելու վերաբերյալ դիմողի միջնորդությունը:

Նախագահող՝

Անդամներ



23 մարտի 2012 թվականի
ՍԴԴԿՈ/2-6